

Katsorsartinnissamut paasissutissat



Allorfimmi imigassamut, aanngajaarniutinut aningaasanoornernullu pinngitsuuvisinnaajunnaarernut katsorsaanernik neqerooruteqarpugut.

Katsorsartikkusukkuit nalunaaqqaanngikkaluarlutit katsorsaavitsinnut tikilluaqqoreerpatsigit, ulluinnarni Allorfik Avannaa nal. 09.00-ip 15.00-llu akornanni ammasarpoo.

Aamma sianersinnaavutit oqarasuaammut +299 22 25 50 sms-imilliunniit nassilluta, taava sianerfigiumaarpatsigit.

Kikkut tamarmik akeqanngitsumik katsorsartissinnaapput

Katsorsartinnissannik kissateqarsinnaavutit Allorfimmuit takkunnikkut imaluunniit kommuunerisanni inunnik sullisisunnut saaffiginissinnaavutit. Sulisitsisut aalajangersimasut Allorfimmuit isumaqtigiiissuteqarput sulisuminnik aamma innersuussisinnaallutik. Katsorsartikkusullutit innersunneqaruit, taava akuersinermut uppernarsaammik atuartinneqassaatit taamatullu katsorsartereernerup kingorna pilersaarummik aamma kommuunimi sullissisoq peqatigalugu immersuisinnejassallutit. Tamanna katsorsartinnermi katsorsartereernerullu kingorna ikiorluarneqarnissannik qulakkeerinninnerussaaq.

Katsorsaariaaseqqanoq ittoq Allorfik Avannaani atorneqartarpa?

Avannaata Kommuniani najugaqaruit Allorfik Avannaanut ornigullutit imaluunniit Skype telefoniluunniit atorlugu katsorsartissinnaavutit.

Katsorsaanerlu sap. ak. 10-ni ingerlanneqassaaq, taassumalu ingerlanerani oqaloqatiginninnerit pisariaqartitsinerit naapertorlugu sap. ak. marloriarluni ingerlanneqassapput. Oqaloqatiginninnerit minutit 45-t missaanni ingerlanneqartarpot. Oqaloqatiginninnerit kisimiilluni ingerlanneqartarpot imalt. pisariaqartitsineq aallaavigalugu ilaqtatt ilangunneqarsinnaallutik. Misissuinerit takutippaat Allorfiup katsorsaariaatsimik atuinera iluatsilluartoq.

Katsorsartereernerup kingorna eqimattakkaarluni neqeroorut

Katsorsartinnerit naamassippat katsorsartereernerup kingorna katsorsartissimasunik allanik naapeqateqartarnissannik neqeroorfigineqassaaatit.

Naapeqateqartarnermi eqimattami oqaloqatigiinnermi anguniakkavit angunissaannut tapersorsorneqassaaatit. Naapeqatigiinnermi mindfulness (iliuutsit/periutsit tarnikkut toqqissisimanermut tunngasut) sungiusarneqartarpot. Eqimattatut naapinnerit akunnerit marluk missiliorlugit sivisussuseqarput.

Qanigisaasunut ikuunneq

Pinngitsuuisinnaajunnaartunut qanigisaasut amerlasuut ilaqaqarput, ilunger-sunartunik nalaataqartartunik qanorlu iliorsinnaanerminnik nalornisarlutik. Taamaattumik inersimasut qanigisaasut Allorfimmuit ikiorserneqarsinnaapput. Qanigisaagaanni, aamma allat qanigisaasut peqatigalugit ilinniartinneqartarpot. Pinngitsuuisinnaajunnaarneq ilaqtariinnut qanoq sunniuteqartarnera pillugu ilinniartitsissutigineqartarpot kiisalu misigissutsit oqimaassinnaasut oqaloqatigiissutigineqartarlutik. Peqataasut iliuutsinik atorsinnaasaminnik sungiusarneqartarpot kiisalu eqimattakkaarluni suleqatigiinnissamat aamma ilitsorsorneqartarlutik.

Katsorsartinneq aallaqqaataanit naammassinissaanut qanoq ingerlasarpa?

Illit, sullisisut imaluunniit sulisitsisut Allorfimmuit saaffiginnissinnaavusi. Allorfimmi sulisut paasitissavaatit qaqugu oqaloqateqassanersutit.

Oqaloqateqarnerit siullit (pingasut miss.) suna pillugu katsorsartinniarnerluit aamma anguniakkat pillugu qanoq ingerlaqqinnissannik qulaajaaneq.

Oqaloqateqarnerit tulliuttut (marluk miss.) inuuninni inissismavinni killiffiit eqqartussavagut, katsorsartinnissavit ilusissaanut atugassaammat.

Oqaloqateqarnitit tulliuttut eqqarsaatinut, misigissutsinut iliuutsinullu tunngapput. Anguniakkat angunissaanut iliuusissat eqqartorneqassapput.

Katsorsartinnermi sapaatip akunneri qulit qaangiunnerini anguniakkat attatiinnarnissai siunertaralugu naapeqateqarnissaq periarfissaavoq.

Katsorsartereernerup kingorna allanik naapeqateqarnissaq periarfissaajuaannassaaq. Allorfimmuit attaveqarnissannut tikilluaqqusajuaannarpuit.

Kikkut katsorsaasutut Allorfimmi naapitassaappat?

Allorfinni katsorsaasutut naapitassatit assingiinngitsunik ilinniagaqartuupput assersuut: Perorsaasut, isumaginninnermi siunnersortit, peqqissaasut imalt. psykoterapeutit ilinniakkaminnik qaffassarlutik pinngitsuuvisinnaajunnaarneq pillugu ilinniaqqinnikut.

Katsorsaasut tamarmik nipangiusimasussaatitaapput. Allorfiup avataani eqqartorusunngisatit oqaluttuarisinnaavatit.

Katsorsaasut suliamut tunngatillugu allanik suleqateqarniarunik assersuuti-galugu kommuunimi sullissisut, taava akuersissummik ilinniit peqqaarnissartik qinnutigeqqaartartussaavaat.

Arlaanik apeqqutissaqaruit, attaviginissatsinnut tikilluaqqusaavutit.

Allorfimmi takunissat qilanaaraarput.



Allorfik Avannaa - Elias Jørgensenip Aqqutaa 3, B-394 - 3952 Ilulissat